

Asocijacija za demokratske inicijative (ADI) u saradnji sa Pravnim fakultetom Univerziteta u Sarajevu

Vas poziva da nam se pridružite na treningu

„Zločin iz mržnje i govor mržnje“

**Mjesto održavanja treninga – Pravni fakultet Univerziteta u Sarajevu, sala za sjednice
Ponedjeljak, 23. oktobar, 2017. godina**

Prvi i najbitniji korak u borbi protiv zločina iz mržnje i govora mržnje je njegovo prepoznavanje i adekvatno reagovanje kako od strane zajednice, tako i od strane pravosudnih institucija, akademske zajednice i medija. Govor mržnje u svakodnevnom životu manifestira se u različitim oblicima i očituje se po stepenu svoje transparentnosti i štetnosti svojih učinika. Ukoliko izostane reakcija, ogromne su šanse da se govor mržnje pretvori u zločin iz mržnje ili da se za kratko vrijeme zaboravi da se ikad i desio.

S obzirom da je proces promjene svijesti kod građana dugotrajan i mukotrpan, važnost edukacije i razmjena iskustava o slučajevima počinjenim iz mržnje i govoru mržnje je od velikog značaja, jer ukoliko se krivična djela počinjena iz mržnje i govor mržnje ignorišu, i ne pridaje im se posebna važnost u bosanskohercegovačkom društvu, dolazimo do toga da su ta djela prihvatljiva, te da vremenom imaju tendenciju da postanu normalna i da na njih kao društvo u cjelini ne reagujemo na odgovarajući način.

Trening je namjenjen studentima/cama prava i novinarstva, sa ciljem da dobiju što adekvatnije informacije o specifičnostima govora i zločina iz mržnje, šta je to govor mržnje i zločin iz mržnje, na koji način prijaviti zločin iz mržnje nadležnim službama, kao i informacije o preventivnim aktivnostima koje se mogu poduzeti kako bi se adekvatno odgovorilo na zločin iz mržnje. Dvosatni trening učesnicima/cama će omogućiti kroz diskusiju razmjenu informacija o stopi zločina iz mržnje u BiH, razlozima za neadekvatnu obradu i kažnjavanje, te o eventualnim posljedicama takvog ponašanja.

Organizator treninga je Asocijacija za demokratske inicijative (ADI) u saradnji sa Pravnim fakultetom Univerziteta u Sarajevu, a pod pokroviteljstvom međunarodne organizacije za zaštitu ljudskih prava Civil Rights Defenders.

Vašu prijavu učešća možete poslati na e-mail: mirela@adi.org.ba, ili putem faxesa na broj 033 262 416, najkasnije do 19.10.2017. godine do 12 sati.

Program (ponedjeljak, 23.10.2017.):


12.00 – 12.15: Uvodna riječ organizatora i predstavljanje učesnika/ca

12.15 – 13.30: Govor mržnje i zločin iz mržnje

- Definiranje govora mržnje
- Specifičnosti
- Izvještavanje
- Preventivne aktivnosti
- Efekat govora mržnje i zločina iz mržnje na BH društvo

13.30 – 14.00: Diskusija

Projekat podržava: Civil Rights Defenders



ASOCIJACIJA ZA DEMOKRATSKE INICIJATIVE
SARAJEVO